

میاں نظام الدین لاروی

پیدائش ۲۵ مارچ ۱۸۹۶ء وانگت کشمیر۔ وفات ۱۰ نومبر ۱۹۷۲ء وانگت کشمیر۔
تاریخ گواہ ہے جے دُنیا ماں ہمیشاں اُسے زبان نے باہدو کیو جس نا
سرکاری ڈھائی نصیب ہوئے۔ ریاست بہویں صدی کے نال ہی جدید گوجری
ادب چڑھت کے چچھے وی اک درویش بادشاہ کو ہتھ تھو جس نے اپنی مادری
زبان اپنا دربار کی سرکاری زبان بنا کے رکھی۔ اس شہنشاہ نا دُنیا بابا جی صاحب
لاروی کاناں نال جانیں۔ میاں نظام الدین ہور بابا جی صاحب کافر زندہ تے
جانشین تھا۔ سلسلہ نقشبندیہ کا روحانی بزرگ ہون کے نال نال ریاستی سیاست
تے ادب ماں بھی نظام الدین لاروی ہوراں کو بڑا چومقام ہے۔ گجراں نا غربی
کی حالت تے کڈھ کے عزت دار قوماں کی صف ماں لیاں واسطے میاں نظام
الدین لاروی، چودھری غلام حسین لسانوی، حاجی محمد اسرائیل کھٹانہ، چودھری
دیوان علی تے مولانا مہر الدین قمر ہوراں نے موہنڈا نال موہنڈو جوڑ کے کم کیو۔

اُن نے جھیڑی گجر جاٹ کانفرنس بنائی تھی اُس کو ریاستی گجراں کی تاریخ ماں بڑو
 اہم رول رہیو ہے۔ ویہ مُلک کی تقسیم تیں بعد کنیں سال توڑی ریاستی قانون
 ساز اسمبلی کا ممبر بھی رہیا ہیں تے اس طرح اپنی قوم کی سیاسی خدمت بھی
 کرتا رہیا ہیں۔

ابتدائی دور کا مچ سارا گوجری لکھاڑیاں ہاروں میاں نظام الدین لاوری
 ہوراں کو بھی زیادہ کلام پنجابی سی حرفی کی صورت ماں ہے۔ جھڑو ”اشعار نظامی“ کا
 ناں ناں شائع ہو یو ہے۔ گوجری ماں اُنھاں نے تھوڑو لکھیو ہے پر معیاری تے
 مثالی لکھیو ہے۔ اُن کا کلام ماں روحانی کیفیات تے تصوف کا پہلو نمایاں ہیں۔



زندگی ماں اکثر روئیں ہوئیں تھاتے رون نا فخر نال اپنی وراثت سمجھیں تھا۔ اُن کا
 دربار ماں اکثر ادبی محفل لگیں ہوئیں تھیں۔ جن ماں سائیں قادر بخش، خدا بخش
 زار، مولانا محمد اسماعیل ذبیح، مولانا مہر الدین قمر، اسرائیل اثر اقبال عظیم
 جہیا بڑا گوجری شاعر کلام پڑھیں تھا۔ تے ان گلاں توں اُن کی علم کی قدردانی کو
 انداز ولا یو جاسکے۔

میاں نظام الدین لاروی ہوراں کو وصال ۱۹۷۲ء ماں بابانگری وانگت ماں
 ہو یوتے اُتے جی صاحب کا پہلو ماں دفن ہیں۔ اُن کی علمی و ادبی تے سیاسی
 وراثت کو حق اُن کا صاحبزادہ میاں بشیر احمد لاروی ہوراں نے خوب نبھایو ہے
 تے یوہ سلسلہ اجاں بھی جاری ہے۔

(ڈاکٹر رفیق انجم)



1۔ لفظ تے اُن کا مطلب

چڑھت : اُوچائی

بیوئیں : اُنی تیں بعد کو ہندو سو

مندى : بُرى، چنگلى کو اُلٹھ
بانہہ جوڑى : ہتھ ملا کے
منڈلا : موہرا کا
اصلاح : شاعری کے بارے صلاح لینی

2۔ سوالات:

- (۱) حضرت میاں نظام الدین لارویؒ کی پیدائش کت ہوئی؟
- (۲) حضرت میاں نظام الدین لارویؒ کا دور کا دو جاشاعراں کا ناں لکھو؟
- (۳) حضرت میاں نظام الدینؒ کہیڑا روحانی سلسلہ ناں جڑیاواتھا۔
- (۴) میاں نظام الدین لارویؒ نے کہیڑی تنظیم بنائی جس ماں گجرتے جاٹ شامل لوک تھا؟
- (۵) میاں نظام الدین لارویؒ کو اوصال کدہویہ تے وے کت دفن ہیں۔

3۔ لفظاں نا جملہ ماں برتو۔

نقشبندیا، روحانی، سرحرانی، بابانگری